

29500

PROBABILIVM IVRIS CIVILIS

SPECIMEN

PRO MVNERE
PROFESSIONIS JVRIS PROVINCIA-
LIS ESTHONICI ET FENNICI
ORDINARIAE

IN
VNIVERSITATE LITTERARVM DORPATensi

RITE AC LEGITIME OBEVND0

SCRIPSIT
CHRISTIANVS HENRICVS THEOPHILVS KOECHY

AUGVSTISSIMO RVTHENIAE IMPERATORI A CONSILL. AVLIC. JVRIVM ET PHILOSOPHIAE DOG-
TOR AA. Q. LL. MAGISTER, JVRIS PROVINCIALIS ESTHONICI ET FENNICI PROFESSOR
PUBLICVS ORDINARIVS, ICOTORVM ORDIN. H. T. DECANVS, ACAD. MOGVNT.
SCIENTIAR. VTIILL. SODALIS

198932

DORPATI,
EX OFFICINA ACADEMICA MICH. GERH. GRENZII,
clo lo ccc vi.

V I R O

PERINLVSTRI EXCELLENTISSIMO GENEROSISSIMO

SVMMA ET VIRTVTIS ET ERVDITIONIS LAVDE CONSPICVO

JOANNI FRIDERICO DE BERNER

AVGVSTISSIMI RVTHENIAE INPERATORIS COLLEGIORVM ADSESSORI DOMINO HEREDITARIO
IN STALLGEN ETC. ETC

PROBABILIVM IVRIS CIVILIS SPECIMEN HOC

PUBLICVM VENERATIONIS ATQVE AMICITIAE OBSIDEM

EX FORMVLA ANTIQVA

D. D. D.

CHRISTIANVS HENRICVS THEOPHILVS KOECHY

D
432 879

PRAEFATIO AD LECTOREM.

Quod, iurium Professoris Ordinarii prouinciam, clementissime mihi demandatam, auspicatus, scriniis iam excidere patior, Probabilium iuris ciuilis Specimen qualemque, vix ac ne vix quidem tralatitium longaque vsucapione stabilitum praefandi morem desiderare videtur, quum, quantitate artis criticae et hermeneuticae in iuris ciuilis scientia utilitas, dudum et perspexerint et adgnouerint abunde, quotquot, relictis superficiariae eruditionis deuiis, magis ex limpidioribus iuris fontibus haurire, quam in sterilium interpretum foribus volutare, atque adeo ieunis opinionum commentis seruile obsequium praestare adsueuerunt. Quotusquisque enim est, non lymphis palustribus, sed splendidioris iurisprudentiae fontibus vel leuiter tinctus, qui non simul, coecam esse et in-

liberalem sine arte critica et hermeneutica iurisprudentiam, dicerit. Ego certe, ex quo, depulsa iuris scientiae proletariae ac vulgaris nocte, laetior liberalioris adcurataeque iurisprudentiae lux mihi adfusit, semper existimauit, principem Jurisconsulti curam in vera legum mente et sententia inuestiganda atque eruenda consistere, ratus simul, frustraneam esse omnem, quae in ea re ponitur, industriam, nisi antea de ipsis legum verbis horumque integritate constet. Absoluitur equidem, nisi nos omnia fallunt, nobilissimum iuris romani studium tribus fere partibus, historica scilicet, eaque non solum externa, sed praecipue etiam interna, cognitione eorum, quae per diuersas rei publicae romanae aetates, societatis ciuilis tuendae caufsa, publice in eadem faneita sunt atque recepta, deinde philosophica ratiocinatione, siue de aequo et bono disquisitione *), ac denique artis criticae et hermeneuticae facul-

*) Arctissimum iurisprudentiam inter et philosophiam vinculum iam adgnouit Cicero Lib. I. de legg. cap. V. vbi, non a praetoris edicto, neque a duodecim tabulis, sed penitus ex intima philosophia hauriendam iuris disciplinam, ait. Addeſis Jo. Sal. Brunquellei Ifagog. in uniuersi. iurisprudent. cap. V. (in Eiusdem opifcc. p. 1119.) Vix est, vt quemquam idoneam iuris romani cognitionem adsequuturum esse crediderim, nisi et veteris, de rebus tum ad dialecticen, tum ad morum disciplinam spectantibus, philosophandi rationis, in primis *stoicae*, quippe qua plerosque iuris ciuilis auctores vlos esse constat, et recentioris philosophiae *criticae*, legum tum ferendarum, tum latarum, studio egregie inferuentis, principiis probe inbutum subactumque ingenium adulterit. Neque tamen ferendi sunt scioli nafutulique nostrae, ingeniosae admodum, aetatis doctores nonnulli, qui, dum vanae gloriolae aucu-

tate. Quam viam vere regiam, laetissimis vndiqne deliciarum riuulis adfluentem, summaque venustate ex omni parte amabilem gratamque, in iuris studio ineundo et excolendo sequuti Franc. Duarenus, Andr. Alciatus, Guil. Budaeus, Ant. Augustinus, Hugo Donellus, Laur. Valla, Angel. Politianus, Alex. ab Alexandro, Vlr. Zasius, Greg. Haloander, Aemil. Ferretus, Ant. Goueanus, Egoi. Baro, Franc. Balduinus, et, vt alios in Italia, Francogallia, Hispania, Lusitania, Helvetia, Belgio et Germania de arte nostra praeclare meritos taceamus, is, qui hos inter familiam dicit, fulgetque, vt inter stellas luna minores, Jac. Cuiacius, discussa, quam vasti et agrestes homines in Jurisconsultorum scholas inuexerant,

pandae gratia *transffendentis philosophiae*, minus tamen ac peruerse proh dolor ab ipsis vtplurimum intellectae, cognitionem ambitiose affectant, eo fane progrediuntur audaciae, vt iuris romani placita scrupulosissimis passim tricis implicare, imo subuertere penitus conentur, ac simul spurcissimis famam veterum ICtorum conuiciis adlatrare haud erubelcant, parum memores, quantopere omnes emunctioris naris homines, eiusmodi spurius de grege Schellingii philosophos, tamquam male olentes hircos, auersentur. Ad hos foetores et fordes naucent omnes boni, et, dum statuit ad posteros veterum ICtorum honos, naucebunt perpetim. Quod reliquum est, semper mirifics adamauit atque in oculis tuli excellens Schellingii ingenium; attamen, si quid est in me iudicii, ego quidem Themidos romanae cultoribus auctor siem fuerque, vt Systema eiusdem quantocius valere iubeant. Subtilissimae nimirum Schellingii disputationes, quotiescumque reapte *transffidentes* sunt, seu vltra communes boni malique notiones progrediuntur, et altiora tractant, ita fere maximam partem comparatae sunt, vt in sinuosas, contortas, non raro quoque ambiguas de bono et malo disceptationes aberrent, ac vel nufpiam locorum, vel in sola tandem Platonis re publica obtinere queant. Ne arti quidem medicae, recte dudum monente Grunero,

barbarie, explosisque nugacissimis interpretum commentis, tam clara paullatim luce vniuersam perfuderunt iuris disciplinam, vt, quae ad illud usque tempus tamquam tetricum aliquod et inextricabile chaos contemta iacuerat, inter pulcherimas tandem caput extulerit scientias, omnesque liberalis ingenii homines ad sui traxerit admirationem. Bene fit tantorum virorum manibus; habeant tenuem et sine pondere terram; sancta nobis sit eorum memoria. Ac critica in primis et hermeneutica ars, quam primi ordinis eruditii iure suo sibi vindicant, sane non habet osores, nisi ignorantes, qui forte, postquam sollemnes et tralatitias definitionum, partitionum et actionum formulas memoriter pronunciare didicerunt, se Juris-

Viro litteratissimo mihiique amicissimo, incrementum a Schellingii doctrina adcessit, id quod fatis superque exemplis suis conprobauerunt Roeschlaubus et Kilianus, quos, quamuis Schellingianismum (sit venia verbo) pridem alta voce decantarunt, nihil tamen feciū leuissimam quamlibet decumbentis febriculam, ac si lectulo aegrotantis numquam adstitissent, expaescere scimus. Praeterea, misere iam vacillare Schellingii Systema, vix negaturos arbitror, qui, nuperrime fundamenta eius a virili ausu istud euerfuri magnopere subfossa esse, meminerint; nae, iam vacillat Systema istud, haud absimile aedibus ruinosis, quae perniciem subinde inhabitatoribus minantur. Neque enim Schellingius, censoria virgula vapulans, aduersariorum inpetum digne repprescit, sed potius, postquam mellitis frigidissimae urbanitatis globulis verborumque somentis altiora vulnera curari non posse intellexerat, id solum egit, vt tum veteratoris strophis, commentis et fraudibus sensum conturbaret, tum aduersarios turpisimis conuiciis proscinderet, qua ignobili rusticitate hominibus, ad politiorem urbanitatem institutis, ingens praebuit ludibrium. Male habebat in primis hominem iratum meramque vindictam spirantem, quod se negligentius tractatum cerneret; pungebat et acriter, quod ex Kantio et Fichteo sapere coargueretur.

consultos somniant, quum tamen, sordidae ac compendiariae iurisprudentiae adhuc litantes, Themidos sacrarium a limine vix salutauerint, simillimi vulpeculae in fabula, superficiem et summam vitri oram lambenti, pultem ipsam non adtingenti *). Ab horum sterili et ieuno instituto alienissima semper fuit nostra ratio. Minime quidem is sum, qui sola arte critica vniuersum civilis prudentiae ambitum circumscribi contendere ausit, quin potius eamdem illam artem pro clave, qua maximi sapientiae thesauri, in veterum reconditi lucubrationibus, recludantur, habendam esse, nec umquam ad culmen sapientiae strenuos masculae iurisprudentiae vindices, nisi historiae quoque et philosophiae cognitionem in subsidium vocassent, euasuros fuisse censuerim; attamen id vicissim mihi dari postulo, laborem eorum, qui, de limanda perpolienda que ista clave solliciti, castigandis et emendandis legibus bene

*) O terque quaterque beati, qui in spissis ignorantiae tenebris, quibus vacuum horret sinciput, tanto vobis videmini doctiores et ingeniosiores, quo minus artis, quam mentimini, nec volam nec vestigium tehetis. Triduo vos, si Diis placet, ICtos factos scitis; summam iurisprudentiae facilitatem vobis luteulentius nemo perspicit, ne rusticus quidein ille, qui, quum eius filium, supra fortē communem stupidum, et faber, et tonsor, et arcularius repudiassent, quid obstat, inquit, quod minus filium ad Academiam mittam; facile enim vel Pastor erit, vel Aduocatus. Attamen, bruta credulitate occoecati, erratis insignem et pericolosum errorem. Sentiunt studii nostri difficultatem, et vehementer ea conflictantur, quicumque illud seria mente, nec perfunctorie tractant, et ultra vulgaria compendia sapiunt, conquerentes simul de arga sycophantiarum fallaciarumque forensium messe, quam e foecundo finu effunditis vellro.

de iurisprudentia mēreri conantur, et necessarium esse in primis, nec umquam modo intempestiuus absit vrendi, amputandi secundique inpetus, ac, quod saepius a criticis factum dolemus, cerebrinae non euomantur emendationes, sua laude defraudandum. Quos librariorum, res, quas scribendas excipiebant, non magis saepe, quam doctae auiculae, quod canunt, intelligentium, coeca oscitantia et supina negligentia venustissimo iuris ciuilis corpori ingessit, naeui tenent suos auctores, nec quisquam tam vecors est, qui iuris nostri volmina vitiis adiecta esse neget; imo, et in ipsum Codicem Florentinum, ex quo tamen omnia, quae circumferuntur, Pandectarum exemplaria, tam manu exarata, quam typis excusa, manarunt, non pauca vitia librariorum inertia inrepsisse, eumdemque, dum Pisis adhuc adseruatum, friuolas atque ineptas correctorum manus expertum fuisse, in vulgus notum est. Cimmeriis profecto tenebris horrerent plurima iuris ciuilis fragmenta, nec quidquam aliud esset pulcherrima illa romani iuris compages, quam corpus eneruatum, et male affectis ac luxatis membris caducum, nisi artis et criticae et hermeneuticae, sororio vinculo iuicem nexae, cognitione armati scriptorum lusum debellare, iuris laqueos enodare, legumque aenigmata soluere sciamus.

At enim vero ista multi sermonis sunt; et quorū ista, quum, quemadmodum iam supra monuimus, vtilitatem et necessita-

tem artis nostræ, quod ad monimenta Jurisconsultorum, perspiciant et adgnoscant, quantum est hominum venustiorum, plebeia turbā vero tam duri palati sit, vt frustra illi adposueris coenam lautiorem, delicatulis tantummodo adpetitum excitantem. Genio suo hanc turbam frui per nos licet; iubemus eamdem res suas sibi habere, et nostras nobis relinquere. Nos quidem, dum ipsos iuris fontes diurna nocturnaque manu diligenter versamus, litterasque pragmaticorum inlitteratissimas alto supercilios despicimus, deliciis istis, imo et gazis pulcherimis utimur, fruimur; his lautissimis artis criticae et hermeneuticae bellariis pascimur; his studiosae remissionis oblectamentis fallimus laboriosae iucunda obliuia vitae, otiosas deambulationes, intempestivas conmessationes, saltationes, ludos denique et ineptias aniles, blandientis desidia stolidaeque ignorantiae comites, sanguine viperino cautius vitantes. Crescentes autem sub manibus chartæ iam monent, esse aliquando cogitandum de portu, ne præfaminis modum nimis excedere, atque intemperanter Humanissimi Lectoris patientia abuti intelligar; iam satis enim, ac fortasse nimis tua tempora moratus sum, adeoque, vt mihi eo nomine veniam benigne concedere velis, te vehementer rogatum cupio. Difficilioribus ciuilis sapientiae momentis, quae interpretem adhuc desiderare videbantur, lucem ascendere tentaui, vbique tamen solius iuris romani habita ratione, relictis iuris patrii placitis Perinl. Joanni Ludouico Mü-

thelio, praestantissimo iuris Liuonici interpreti, a cuius egestate ingenii foecunditate, indefessoque utilissimam masculae iuris prudentiae operam nauandi studio plurima adhuc, eaque omnibus numeris absoluta, atque adeo aetatem latura opera exspectare licet. Selegi nimirum nonnulla iuris ciuilis fragmenta, quorum alia, quantum per me fieri posset, Florentino archetypo, archetypis multorum nugis misere deprauato, reverentiam habens a vi maiore et iniuria emendantium defendarem, alia autem, vera Jurisconsultorum mente inuestigata, a contortis interpretationibus vindicare. Neque tamen nouas conjecturas meas quasi veras probatasque vendito, et dictatoria maiestate aliorum iudicio obtrudo, sed ut verisimiles et probabiles propono intelligentibus harum rerum iudicibus, nil magis in votis habens, quam ut easdem aequi bonique consulere haud dedignentur. Ac quemadmodum hos, qui non abortiuos statimque perituros, sed aetatem laturos foetus edituri sunt in lucem, saepe stylum vertere, et lucubrations, nonum in annum premendas, exasciare oportet, ita quidem opusculum leuidense meum seueriore lima perpoliendum omnino fuisse fentio; sed norunt, qui me norunt, vix esse horarum nostrarum, tantum operaे conlocare in edolando exiguae molis libello.

C A P V T I.

Actiones, dominis mercium iactarum competentes, inuestigantur. Paulo in L. 2. pr. D. Ad leg. Rhod. de iact. lux.

Maris mediterranei insula Rhodus quantam olim, propter ingentem Colossi structuram, iuxta ac gymnasium, liberalium, in primis mathematicarum, artium studiis, et professoribus, in quibus Apollonius, qui, Plutarcho et Suetonio testibus, Julium Caesarem et Ciceronem, aureum istud romanae eloquentiac flumen, habuit auditores, nacta fuerit nominis celebritatem; vberius referre nostri non est instituti; id vnum potius monuisse sufficiat, tantam leges insulae celeberrimae nauales, rei nauticae summam omnino peritiam atque sollertia proddentes, ab aequitate commendationem habere vias suisse, vt non solum per vniuersum subinde maris mediterranei tractum, tamquam ius aliquod gentium, receptae fuerint, sed et Romanis ad sensum extorserint. Quemadmodum enim Romani, quod nemo fane, nisi in historia romana vel hospes penitus sit, inficias iuerit, res nauticas ante bellum Punicum primum non adtigere, indeque nec in sanctione decemuirali, nec

alibi vllae exstant leges nauales: ita Antoninus Imperator demum, quin Rhodiorum leges, frequenti quippe vsu ad examen iustitiae reuocatas, iure in plantationis suas faceret, atque adeo romana ciuitate donaret, nullus dubitavit. Cuius rei locupletissimus testis est Volusius Maecianus naufragus, in L. 9. D. Ad leg. Rhod. de iact. vexatissima; interpretum aequa naufragio ciuili, ac ipsius Volusii Maeciani naufragio naturali, textu infami, in quo tamen enodando in primis post ea, quae Gothofredus ^{a)}, Strauchius ^{b)}, ac praecipue, politioris iurisprudentiae decus, Bynkershoekius ^{c)} subtiliter disputauerunt, et nostram vltterius periclitari vix licet deceutue industria, dum parum verecundi possimus videri, si purpurae lacinias adsuere velimus ^{d)}.

- ^{a)} Iac. Gothofredus Diff. de imperio maris, (in Eiusdem opp. minor. a Christ. Henr. Trotzio edd. Lugd. Bat. 1733. p. 62. sqq.)
- ^{b)} Jo. Strauchius Disp. ad L. 9. D. Ad leg. Rhod. de iact. (Jenae 1673, et in Eiusdem opuscc. iuridd. hist. philologg. rario. p. 310. sqq.)
- ^{c)} Corn. van Bynkershoekius Lib. sing. ad L. 9. D. Ad leg. Rhod. de iact. (in Eiusdem opuscc. var. argum. a Franc. Car. Conradi edd. Tom. I. p. 171. sqq.)
- ^{d)} Vehementer, quod per transfennam dixerim, ingenia interpretum torserunt difficultates geographicae, in memorata lege obviae. Intelligi scilicet nequit, qua ratione Eudaemon, in Italia naufragium passus, a publicanis, Cyclades insulas inhabitantibus, direptus fuerit, quum Cyclades ab Italia innane quantum distent. Quae difficultates vt de medio tollantur, non improbabiliter in Eudaemonis supplicatione tentatam putauerim emendationem, vt pro: ἐν τῇ Ἰταλίᾳ, reponatur: ἐν τῇ τιναλίᾳ, scilicet Θαλάσσῃ, vel: ἐν τῇ Ἰταλίᾳ; quidquid contra dicat Ger. Noordt Observat. Lib. I. cap. XIII. (in Eiusdem opp. Tom. I. p. m. 257. sqq.), qui, Liuii Pliniique locis libnixus, Aethalia legendum esse conicit. Audaciores critico-rum emendationes, quibus lex varie rupta, fracta, lacerata fuit, videre sunt apud Corn. van Bynkershoekium l. l. Ipsum Antonini rescriptum quod adhinet, nulla supererit difficultas, obscuri nihil, si, deinde puncto post vocabulum Θαλάσσης, continuata serie rescriptum Imperatoris legere, et vocabulum νόμος, primo loco

Praecipuum, idque solum in libros iuris ciuilis relatum, legum Rhodiarum caput fuit, quod de iactu agit et conlatione ^{e)}; quo scilicet cauetur: vt, si leuanda nauis gratia iactus mercium factus est, omnium contributione farciatur, quod pro omnibus datum est f). Verum enim missis, quae de ipsa contributionis natura legali, eiusdemque iusta proportione seruanda in vtramque partem vulgo disputari solent, iam, quatenus quaque actione domini mercium iactu amissarum contributionem obtineant, curatus paullo expnere lubet.

positum, sensu haud insolenti latine per ius reddere velimus, scilicet: ἐγώ μεν τοῦ κόσμου κύριος, οὐ δὲ νόμος τῆς Θαλάσσης τῷ νόμῳ τῶν Ρωμαίων κρίνεται τῷ ναυτικῷ etc. id est: ego quidem milited doctinus (subintellige sum). ius autem maris lege Rhodiā nautica iudicetur, quatenus nulla naufragium legum adversatur.

e) Et alia capita haud dubie tamen fuere, veluti de naufragiis et piratis, sicuti Maecianus in L. 9. D. Ad leg. Rhod. de iact. indicat. Sed et Cicero Lib. II. de invent. cap. XXXII. Lex est, inquit, apud Rhodios, ut, si qua rostrata in portu nauis deprehensa sit, publicetur. Eam tamen legem Romani non adscuerunt, scuti nec illam, ex qua, vt ait Cicero Partit. cap. XXXIII, etiam liberi ciuesque torquebantur apud Rhodios; nec illam denique capitalem, quae introspicenti arcana quedam, naualium vltimum supplicium inrogabat. Vtinam vero cunctas haberemus Rhodiorum leges. Circumsertur quidem hodieque conlectio legum Rhodiarum nauticarum, edita a Schardio primum, (Basil. 1561.) deindeque Leunclatis Tom. II. iur. graeco-rom. infra; sed incondita est de rebus nauticis farrago; ab erubente graeculo confusa ac fraudulenter subposita, quemadmodum iam Am. Augustino Lib. de legg. et scitis, p. 131. recte suboluit. Sane, si genuinae hae essent leges Rhodiae, non posset in iis quidquam repertiri, quod non conueniat cum illis de iactu capitibus, quae Romani a Rhodis mutuati sunt. Sed vero plurima deprehendere licet in dicta illa legum naualium satyra, quae legi Rhodiae de iactu, vt haec nobis est tradita a Iohannes romanis, e diametro contraria sunt.

f) L. 1. D. Ad leg. Rhod. de iact.

Ac primum quidem, quoties iactus reapse factus est, ante omnia eo respiciendum esse autum, utrum merces nauis exonerandae atque adeo seruandae caussa ob inminens aut praesens naufragii periculum sint iactae, nec ne. Nimirum, si merces temere, necessitate non urgente, iactas suisse sumere velimus, penitus exsulat conlationis obligatio, ita ut potius tantum aduersus eiicientem ex lege Aquilia agere liceat de damno iniuria dato. Ipsam primam speciem autem quod adtinet, ulterius distinguendum esse crediderim, debueritne culpa ipsius nautae, qui vel plus iusto nauem oneravit, vel male eamdem gubernauit, iactura fieri, an iactus leuandae nauis, aliqui in tempestate periclitantis, caussa factus, et iacturae necessitas ex ipsa tempestate nata fuerit. Si prius, nauta solus omne damnum sarcire deberet, et quaestio itidem esset ad legem Aquiliam pertinens; sin e diuerso posterius, vel conseruatio vnius partis mercium per iactum alterius partis contigit, vel secus. Ac quidem neutiquam hac, bene vero illa demum specie locum habet lex Rhodia de contributione. Nec enim conlatio erit facienda, si nauis, non obstante iactu, nihilominus perierit, nisi hoc forte alio loco factum sit, et rem amissae per vrinatores extractae sint g).

Nulla interim actio peculiaris dominis mercium iactarum contra seruatarum dominos in iure nostro concessa est; nec perperam, quum nulla adsit

g) L. 4. §. 1. D. Ad. leg. Rhod. de iact. Vrinatorum nomine apud Romanos veniebant illi, quos hodie vocamus Taucher, quibus in ponto iucundum est quaerere pontum; corpora qui mengunt vndis, ipsumque sub antris Nerea et aequoreas conuertuntur. vñtere nymphas, exportantque maris praedas et rapta profundo naufragio, atque imas audi scrutantur arenas. Nam per vrinatores naufragio meriae, et in mare nauis levandas caussa iactae res extrahi solebant. Vrnae dictae, quod vrinant in aqua haurienda, ut vrinatori vrinare est mergi in aquam. Nominantur vrinatores passimi et pescatores vrinatores, κολυμβηται, δύται, οὐφαλη, οὐφοδροι, αυσισηρες, et si conligent osteras et iherpuras, πορφυρεις, si frongias σπουργοθυραι appellati.

iuris regula, quae, actionem iuxta Pauli praeceptum in L. 11. D. de Oblig. et act. hoc casu locum habere posse, innuat. Cui consequens est tradere, et magistrum non potuisse contrahere cum vectoribus, ut illi eius nomine possint agere; quum suo nomine agere neutiquam possint. Inter quos enim nulla intercessit obligatio vel contractus, inter eos nulla de iure romano esse potest actio; unde, quod ad ipsam petendae contributionis formam adtinet, recte Vlpianus in L. 14. pr. D. de Praescript. verb. et in fact. act. monet: Qui seruandarum mercium suarum caussa alienas merces in mare proiecit, nulla tenetur actione: sed, si sine caussa id fecisset, in factum: si dolo, de dolo tenetur h).

Non ergo sine ratione Vlpianus eum, qui alterius merces proiecit, nulla teneri actione negat. Qui, iactis aliorum mercibus, suas merces servare voluit, summa temporis necessitate usus est, atque adeo non tenetur ex delicto; nec culpa quoque adest, quae in legem Aquiliam cadat; denique nec negotiorum gestorum actio hic competit, nec actio mandati, quia obligatio non intercessit. Quid igitur? Eum, cuius merces iactae sunt, actione vel locati vel conducti agere oportet aduersus nautam, ut nauta agat aduersus ceteros vectores de contributione, aut eorum merces eo nomine retineat. Latius id Paulus in L. 2. pr. D. Ad leg. Rhod. de iact. tractat, in cuius verba, quum maioribus difficultatibus premantur, paullo diligentius iam inquiremus. Locus ipse dignus est, qui integer proferatur. Si, inquit Paulus, laborante naue, iactus factus est, amissarum mercium domini, si merces vehendas locauerant, ex locato cum magistro nauis agere debent: is deinde cum reliquis,

h) Quod leue est, profecisset Haloander legit fecit, et voces suarum, sed ac tenetur absunt apud eundem. Florentinam tamen lectionem Haloandrinae palmarum praeripere, nemo non videt, quum deficientes voces sensum mire adiuvent, quod in primis de voce suarum dictum velim, quippe quae, dum Vlpiano minime sermo est de eo, cuius merces iactae sunt in mare, sed de eo, qui alterius merces proiecit, manifeste perspicuitati inferuit.

quorum merces saluae sunt, ex conducto, ut detrimentum pro portione communitetur, agere potest. Seruius quidem respondit, ex locato agere cum magistro nauis debere, ut ceterorum vectorum merces retineat, donec portionem damni praefestent. Imo, et si retineat merces magister, vltro ex locato habiturus est actionem cum vectoribus: quid enim, si vectores sint, qui nullas sarcinas habeant? plane commodius est, si sint, retinere eas. At si non, (et) totam nauem conduxerit, ex conducto aget: sicut vectores, qui loca in nauem conduxerunt: aequissimum enim est, commune detrimentum fieri eorum, qui, propter amissas res aliorum, consequuti sunt, ut merces suas saluas haberent.

Quam quidem legem si penitus inspiciamus, statim, diuersam actionem, dominis mercium iactarum aduersus nautam, ac vicissim nautae aduersus ceteros vectores competentium, rationem esse, adparet. Quemadmodum Paulus neque actionis ex lege Rhodia, neque actionis a praetore in edicto propositae meminit, ita tantum mentionem iniicit actionis ex locato et conductoⁱ⁾, qua domini mercium iactarum experiantur aduersus magistrum nauis, ut is vicissim agat contra vectores, merces suas saluas habentes^{k)}. Quae quam ita sint, iam quaeritur: actio, qua dominus mercium

ⁱ⁾ Ipsa inscriptione monente, defumta est haec lex ex Pauli Lib. XXXXIII. ad Edictum, vnde, Paulum haec ad Edictum de locato et conducto scripsisse, verisimile fit, quum Paulus eo libro hoc edictum exposuerit, sicuti ex inscriptionibus L. 1. L. 20. L. 22. et L. 24. D. Loc. cond. intelligitur. Quum Paulus intelligeret, actionem locati et conducti etiam pertinere ad id, quod cautum est lege Rhodia de iactu, facere non potuit, quin simul hanc legem exponeret. Ceterum actio locati et conducti inducta hac in specie videtur vbi et disputatione Ictorum, credentium, contrahentes de mercibus naue transfuehendis per mare, in quo orta tempestate necessario fiat mercium iactus, inuicem obligari ex locato et conducto in id, quod alterum alteri, ex fide bona iactu facto, praestare oportet.

^{k)} En actionis, ut aliis agere cogatur, exemplum nec nouum, nec infolens. Praeterquam enim, quod ipse Paulus paullo post alterum eius generis proponit; Labeo in L. 60. §. 5. D. Loc. cond. ait, vbi quis alienam messem sustulisset, colonum ex conducto

iactarum nautam, quaque deinde nauta reliquos vectores conuenire teneatur, vtrum conducti sit, an locati? Ac prono alueo ex ipsa rei natura propositae quaestione definitionem fluere, nemo est, quin videat. Interdum vector et est et dicitur locator, nauta vero conductor: interdum e diuerso nauta est locator, vector vero est conductor. Scilicet si tradam nautae merces vehendas, ille est conductor, ego locator; si contra adcipiam locum in naue, quo vtar, ego sum conductor, ille est locator. Atque hanc quidem distinctionem sequutus, significat Paulus, vtramque actionem modo locati, modo conducti esse, sicuti esset, si de alia re quaereretur^{l)}.

Ast subobscure interferit Paulus quaestione de iure retentionis, referens sententiam Seruui, in omnia alia euntis. Retentionem ab vtroque, et Paulo et Seruio, nautae concessam esse, palam est, quamuis id incivile videatur. Quonam enim iure, amabo, nauta sarcinas retinere potest, in quas ne tantillum quidem iuris habere videtur, praesertim quum ei nihil dcbeatur, imo et praetoris edictum, nautae ut recepta restituant, obiiciatur? Salutamen est res. Saepius romanos Jurisconsultos retentionis ius constat dedisse, vbi nullum alioqui aderat pignoris ius: ut, quam rem persequi aut petere non liceret, si eam forte vitio nactus sis, donec eius dominus, qui

acturum cum domino, ut dominus frumentum condicat. Pertinent huc quoque, quae Tubero apud Vlpianum in L. 13. §. 30. D. de Act. emt. et vend. dixit, emtorem ex emto agentem posse cogere venditorem, ut is ex locato agat cum colono, et, quidquid fuerit consequutus, emtori reddat. Ut plura taceamus.

^{l)} Evidem supereft adhuc quidpiam, quod merito Paulus praeterire non debuisset; repeti tamen, ab eodem praetermissum, potest ex L. 1. §. 1. D. de Praescript. verb. et in fact. act., qua Papinianus inquit: Domino mercium in magistrum nauis, si sit incertum, vtrum nauem conduxerit, an merces vehendas locauerit, ciuilem actionem in factum esse dandam, Labeo scribit,

quidpiam tibi debet, satisfecerit, retinere posse^{m)}. Neque non in proposita specie, et si nautae proprie nihil debeatur, aequissimum potest videri ius retentionis, ne, si alioquin nauta singulos vectores persequi deberet, contributio eludatur, quum sint ut plurimum homines ignoti, et qui alio festinent, nauemque egressi diffluant atque diffugiant, nec integrum nautae sit, illos huc atque illuc dilapsos consequi, vel in ius trahere. Unde recte et Paulus et Seruius nautae retentionem concessere, utrumque quantumuis diuersimode admodum in eius ratione ineunda versatum fuisse negari nequeat.

Seruius tantum tribuebat magistro nautis, ut ceterorum vectorum merces detineret, donec praeslitissent portionem damni: ceterum ex locato conducto actionem contra vectores magistro negandam esse putabat. Contra Paulus, quum fieri possit, ut vectorum, qui ad contributionem vocandi sunt, alii sarcinas habeant, alii non habeant, partim retentione, partim actione contributionem eliciendam esse, acute sensit; imo, **ETSI RETINEAT MERCES MAGISTER, VLTRO EX LOCATO HABITVRVS EST ACTIONEM CVM VECTORIBVS**, ait. Quae Pauli verba autem vehementer vexant interpres, suntque vicissim ab interpretibus, quos prauis hallucinationibus implicuerunt, vexatissima. Dum semel in arenam descendimus, paullulum in eodem stadio decertemus. Prima fronte hic merae salebrae, et omnia difficultatis plena.

Sunt, qui pro: *etsi retineat merces magister*, inserta vocula *non*, legendum esse: **ETSI NON RETINEAT MERCES MAGISTER**, existiment, moti haud dubie eo, quod in sequentibus videtur velle Paulus, esse actionem ex locato etiam magistro nautis contra Seruii, retentionem tantum admittentis, sententiam, etiam si merces magister non detineat. Ita Accursius in libro Pylei, antiquissimi interpretis, scriptum fuisse indicat, eamdemque lectionem Haloander, Contius, Hugo a Porta aliique editores complures,

^{m)} Exempla in L. 1. D. Quib. mod. pign. vel hyp. folu. L. 8. §. 1. D. de Pignerat. act. L. 1. C. Si alien. res pign. dat. et L. vn. C. Etiam ob chirographar. pec. pign. ten. obcurrunt luculentissima.

iam a Ruffardo tamen eo nomine reprehensi, tuentur. Est proinde lectio vetusta, et ipsa aetate venerabilis; attamen, re curatus sub examen vocata, ita profecto comparata esse videtur, vt eamdem nemo cassa nuce emit, nisi forte Paulum sui in memorem talia scripsisse flatuere velit. Quemadmodum editores saepius, particulam *non*, quam vocant salutarem, legibus intrudendo, iustos emendationis fines transgressi sunt, ita praccipue et hoc loco, a matru emendatrice profecta, subcessu parum felici pedem in probum in textum intulit vocula ista. Quid, quae so, insulsius ista lectione? Diceret Paulus, *nautam, et si non retineat merces, tamen actionem habere posse*. Certe id recte dici posse, largimur; sed si illud hic dicatur, debuisset Paulus dicere, *ex locato* potius, quam *ex conducto*, agi aduersus eos, quorum merces non sunt retentae. Qui adcedit, de eo nunc plane non quaeri; nam manifeste de eo potius quaeritur: *utrum nauta et cum iis, quorum res retinet, agere possit, nec ne?* Quod Paulus, summa ratione motus, diserte adfirmat; non enim retentione tolli actionem, neque eum, qui pignus habet, prohiberi in personam agere, in vulgus notum est. Et quid, si res, quae retinentur, ad contributionem non sufficiat?

Euincit quoque hunc legis sensum **vox vltro**, qua Jurisconsultum vti videmus, quamvis ceterum et in hoc, quo intellectu ea vox dicatur, non-nihil difficultatis haeret. Cuiaciusⁿ⁾, cuius vestigiis recentioris aeui scriptores utroque pede inslittere, *vltro* sensu non insolenti pro *prius* adcipendum esse vult, ut scilicet magister, *etsi retineat merces, tamen prius, non exspectato tempore*, dum sarcinae reposcantur, *ex locato* agere posse pronuncietur. Confundi passim voces *vltro ac prius*, exemplis, ex scriptis Jurisconsultorum aliorumque auctorum petitis, conprobavit vir summus, neque negandum, interpretationem, ab illo inuentam, a ratione prorsus alienam non esse, ac sententiae corum, qui textum putant esse emendandum,

ⁿ⁾ Jac. Cuiacius *Observatt. et emendatt. Lib. III. cap. II. p. 64.*

palmam praeripere. Sed dubito tamen, an Paulus id proprie vereque hoc loco indigitauerit, ac iam, quae de alio huius loci sensu magis commodo, Pauloque conuenientiore, forte mihi in mentem venerunt, subdubitante calamo adscribam, neminem tam iniquum iudicem extimescens, qui leuiora, quae ipse vltro profiteor, interdicere protinus velit. Scilicet si mihi detur ius subfragii, fuisse Pauli mentem arbitrarer eam: si iam retinuerit merces magister, amplius habere ipsum et actionem ex locato aduersus vectores, tum contra eos, ad quos retentae sarcinae pertinent, tum praeципue contra eos quoque, qui sarcinas non habent, vt ex verbis: *quid enim, si vectores sint, qui nullas sarcinas habeant?* patescit. Vltro igitur Paulo erit idem, ac insuper, non insolenti significatu. Nae, pro vltro fine mora legarem vltroA, vna dumtaxat litterula mutata, quo modestius quidquam cogitari nequit; sed non opus est, vt Thuscam et vulgatam scripturam leuiuscule hac emendatione sollicitemus, quum, vocem vltro istius significationis esse, sexcentis probari possit exemplis, petendis ex his, qui, verborum varios significatus perscrutantes, eius rei otium gratissimum nobis fecerunt.

Alia tamen vltra arbor concutienda est in sequentibus Jurisconsulti verbis, quibus etiam nonnihil turbulenti latet. Magna est hic et lectionis et interpunctionis differentia. Pro: AT SI NON, omnes editiones, Norica excepta, AVT SI NON; sed concinnior Florentina lectio. Vocula et, a Gebauero vncis inclusa, Florentiae non legitur. In archetypo Florentino scilicet scriptum esse dicitur: AT SI NON TOTAM; sed qui illud superioribus annis euulgarunt, vt interpunctiones pro suo arbitrio addiderunt, sic et inseruisse dicuntur hoc loco copulam et, vt legamus: AT SI NON ET TOTAM, quum in libris antea impressis legeretur: AT SI NON TOTAM. Pro: IN NAVEM, minus duriuscule omnino mallem: IN NAVE, etiamsi Florentina exemplo optimorum auctorum, quorum neminem non accusatiuum loco ablatiui usurpare pluries obseruatum est o), defendi possit. Duplex cete-

^{o)} cf. Car. Andr. Dukerius Opuscc. de latinitate Ictorum veterum, p. 350. sy. et p. 369.

rum haeret in verbis difficultas, altera, qui fiat, vt hic agatur de numero singulari, quum agendum sit de vectoribus, qui non totam nauem conduxerunt, dum nempe Jurisconsultus, postquam in priori legis parte egit de iis, qui nauem locassent, iam quaerit, an et illis hoc ius sit, vt agere possint cum nauis magistro; deinde altera, quid sit, quod his verbis conducti fiat mentio, quum in principio legis nostrae de locati actione agatur. Vtramque difficultatem foluere conatus est Guiacius p), qui, locum non sanum esse sentiens, ita eidem mederi studuit, vt duo in archetypo Florentino verba emendaret, atque adeo: AT SI NON TOTAM NAVEM CONDUXERINT, EX CONDUCTO AGENT, legeret. Refert deinde vir summus haec verba non ad id, quod proxime praecedit, sed ad illud, quod principio Paulus dicere coepit, vt sit hoc alterum veluti membrum propositae distinctionis, haecque ita absoluatur: si iactarum mercium domini merces vehendas locauerant, ex locato agent cum nauta; sin autem tantum aliquem in naui locum, non autem totam nauem conduxerunt, agent ex conducto. Quid igitur, si totam nauem conduxisserent? Iam ipsi pro nautis haberentur, neque nauta totius nauis locator posset cum aliis vectoribus agere, cum quibus non contraxit. Quae Guiacii sententia autem quamvis probabiliter ad hunc locum refertur, tamen verba: AT SI NON, omnino ad id, quod proxime dictum est, pertinere videntur, vt quod reliquum est subpleant, et quid statendum sit, si non sint merces, indicent. Balduinus q) ingeniose conicit, fortasse scripsisse Paulum: AT SI NON? SI NON TOTAM, librarios vero, vt solent, quum similes syllabae obcurrunt, illud alterum SI NON subpressisse. Effet haec oratio: AT SI NON, certe adhuc ecliptica et imperfecta, sed effet tamen sententia manifesta; neque omnino talis eclipsis, praefertim si cum

p) Jac. Guiacius l. l.

q) Franc. Balduinus de lege Rhod. (in Heineccii Jurisprud. rom. et att. Tom. I. p. 236.)

interrogatione iungatur, insolens est Jurisconsultis, et iam facile Paulus intelligeretur ad prioris distinctionis posterius membrum transire, quum subiicit: *si non totam conduxerit.* Evidem lectionem Cuiacianam tum Basilicorum ^{r)}, quippe quae similiter habent: *εἰ δὲ μὴ τὸ πλοῖον ὅλον*, tum quoque editionum nonnullarum auctoritate fultam videmus, quarum aliae pro: *conduxerit*, ex *conducto ager*, itidem in plurali exhibent: *conduxerint*, *ex conducto ageant*, aliae vero pro: *conduxerint*, in plurali habent: *conduxerant*, quod eodem redit, quum ex grammaticorum regulis particula si tam indicatiuum regat, quam subiunctiuim. Sed dispiciamus, num, recepta interpunctione Halcandrina, difficillimum locum, ut Florentiae excusus est, simplicius interpretari queamus. Haloander recte ita interpungit: *at si non: et totam nauem conduxerit: ex conducto ager, sicut vectores, qui loca in naue conduxerunt, aequissimum etc.* Concisa igitur Pauli emphasis erit adcipienda hoc sensu, ut, si sarcinae, quae retinerentur, forte non adhinc, is, qui totam nauem conduxit, ob iacturam factam aduersus eos, qui contribuere debent, ad contributionem agat ex conducto; sicuti vectores, qui non totam nauem, sed loca in naue conduxerunt, si iacturam fecerunt, ex conducto agunt cum nauta, ut is contributionem fieri curet. Qui scilicet totam nauem conduxit, quasi nauta esset, ipse agit ex conducto cum aliis vectoribus, qui contribuere tenentur; sed ubi vector aliquis, cuius merces iactae sunt, locum in naue tantum conduxit, agit ex conducto cum nauta, ut nauta cum aliis vectoribus de contributione agat ex locato. Ac si ita locum intellexeris, quam fieri aequum esse Paulus ait, contributionem semper fieri adparet, neque in Florentina lectione mutanda erit laborandum. Praeuenit tamen **hac** saltim in re coniecturam nostram magni Balduini sollertia, cui iam idem suboluit; habeat igitur ille inuentionis laudem seruetque se pulchro.

^{r)} *Basilic. Lib. LIII. tit. III.*

CAPVT II.

Florentina lectio in L. 3. §. 2. et L. 25. D. Pro soc. a suspicio mendi liberata. Infunt quoque de iuris romani subsidiis, a sermonis latini facultate petendis, nonnulla;

Inani vanoque plane molimine in cuiusque artis interiora penetrare nuntur, qui non sunt a latinis, ut oportet, instruci litteris; si vero alias, quum maxime iuris disciplinam obnoxiam habet, et quasi vertigalem lati- nae linguae cognitio. Quemadmodum, qui spinas in pedibus habent, ubique spinas calcant: ita adeturatio romani sermonis peritia desituti misere excruciantur ubique, et in legum capitibus exponendis non aliter ut plurimum, ac si Sybillae folia tractarent, incerta ratione vagantur et fluctuant. Vtinam id hominum genus, quantopere glossae istius facultas arti nostrae ancilletur non inmemor, circulos seuerioris Criticae saltim numquam ingressum fuisset. Ipsae puriores veterum Jurisconsultorum dictiones atque figurae saepissime fraudi ac obfendiculo suere id genus in posterioribus; vnde larga intempestiuae emendationis messis. Quoties enim in verba paullo obscuriora; aut loquutiones paullo difficultiores incident, statim expediri iubent virgas, quibus vapulet Teibonianus miserimus; quinimo tum cataplasmata temere inponendo, tum temere vrendo, secando et amputando non medicinam, sed carnificinam exercent, ac ne a fanis quidem capitibus criticum pumicem colibent.

Nescio fane, an tale quid incuriose acciderit nuper interpretum non nemini alias sagacissimo, qui, Florentinam lectionem in L. 3. §. 2. D. Pro soc. vitiosam perperam pronuncians, camdem cataplasmandam censuit, etiamsi nec pusilla nec carbunculo laborebat Paulus. Florentiae ita est scrip-

tum: *De illo quaeritur, si ita societas, vt si qua iusta hereditas alterutri obuenierit, communis sit, quae iusta hereditas? utrum quae iure legitimo obuenit, an etiam ea, quae testamento?* Et probabilius est, ad legitimam hereditatem tantum hoc pertinere. Ipsam legis mentem, minus eam difficilem, quod adtinet, vberim ac iusto forsan vberius exposuit Cestus^{a)}, ad quem, si volupe est, recursas; nos quidem iam tanto libenter eam praetermitimus, quanto minus nobis propositum est, ab aliis obcupata repetere. Vnde, nucem fracturi, de nucleo parum solliciti, verborum cortici tantum paullisper inmorabimur. Ut sensus sit plenus, duas voces textui inferuerunt Halander, Hugo a Porta, Charondas, Russardus, Vintimilius, Contius aliique, atque ita ediderunt: *Si ita coita societas sit.* Quod quum, quem supra innuimus, animaduertisset interpres doctissimus, Florentinam lectionem illico hiulcam odoratus, ad ultimam Thulen relegandam esse pronunciauit. Sed vel sine ullo emblemate non minus perfectus exhibet sensus; prono alueo fluunt omnia; nec quidquam Florentinae ineſt, quod iure quempiam offendat. Ansam praebuit augendae lectioni compendiosa scriptura, qua Paulus creberrime usus, cuiusque non intellexere venustatem, qui textum subplendum arbitrati sunt. Optimi omnino scriptores subcincte ad normam Florentinae loquuntur; oratio sic et concinnior, et ad totam propositionis seriem tum excolendam tum perponliendam aptior. Quid, quod pannus, a manu emendatrice adfusus, aures offendit, ob viciniam proxime praecedentis paragraphi, qua scilicet, paucissimis verbis interiectis, eadem illa verba: *coita est*, videre sunt. Manifeste languent verba hoc loco; subintelligenda vero esse, qui non videt, talpa aut cane nouemdiali coegerit neceſſe est. Quae quum ita verissime sint, et ipsum Bestium^{b)}, castissimum iuris ciuilis interpretem, miror adhibuisse criminis; de qua tamen intelligentes harum rerum arbitri, quibus

^{a)} *Cest. Cest. Variar. ambiguitat. Lib. II. cap. XVIII. (in Ottonis Thes. iur. rom. Tom. III. p. 1227. sq.)*

^{b)} *Guil. Bestius Rat. emend. legg. Pandect. p. 34. ed. nouiss.*

subfragii ius est, ipsi videant. Parua quoque sunt haec, et infra studii nostri grauitatem maiestatemque posita. Exemplum dedisse sufficiat, in lotis ad iuris ciuilis sacra adcedere manibus, qui sine adecurata linguae latinae cognitione, quae et reliquis scientiis facem praeluxit; adcedunt. Ac, quod per transennam addiderim, verissimum est Valla^{c)} dictum, sine latinitate coecam esse omnem doctrinam et inliberalem. Quemadmodum fulgentissimae gemmae vix a vulgaribus dignoscuntur lapidibus; nisi politoris manus splendorem iis conciliet: ita et res praestantissimae sordent ac tedium mouent felicioribus ingenii, si horrida et barbara dictione, velut impura veste, inuoluantur; quum contra ea, quae culto fermone conataque explicantur oratione, sponte se insinuent animumque demulcent. Quid autem ipsis ciuilis prudentiae fontibus, quos veterum nobis feruauit diligentia, latinius, quid vspiam reperitur venustius? Nae, miseret nos inliteratissimorum barbarorum, qui, dum more infantia minorum barbare cum barbaris balbutiunt, tam duro ignorantiae corio circumtentati reperiuntur, vt latini sermonis veneres nec calleant nec sentiant, imo, quod quidem certissimum turpis inficitiae signum est, easdem susque deque non solum habeant, sed quoque tamquam luem venereum fugiendas esse loquacibucca garriant, simillimi Penelopes procis, qui, repudiati a domina, vota sua mittebant in crucem, et in ancillarum falaces amplexus turpiter ruebant. Equeant insu habeantque in deliciis venenatam illam viperam, quae vero, nisi sibilare desliterit, sibilando id demum aget, vt magis magisque atro carbone notetur ac, ni forte lacrimae diu cohibitae proruperint, cachinnabili risu ipfa exhibetur.

Sed vt e deuerticulo in viam, vnde profecta oratio, redeamus, qui cumque, latini sermonis facultate pollens, adtentiore praesertim in Pauli scriptis perlustrandis versetur animo, protinus limatissimae pressaque dictio- nis puritate capietur, sicutum nihil, ad grauitatem composita omnia, maxi-

^{c)} *Laur. Valla Elegant. Lib. III. prooem.*

ma cum iucunditate et delectatione deprehendet, nusquam insanem linguae procaciam, nusquam superfluentem offendet sesquipedalium verborum luxuriem, sed in conciso et acuto stylo abundantem mirabitur rerum multitudinem. Quae vero iurisprudentiae vestis, ea quidem fatis decora et ornatissima, dici vix potest, quam misere a longis inde temporibus barbaris crucem fixerit, cui refigendae sola linguae interior cognitio inferuit. Vulgatum est Raphaelis Fulgosii dictum, qui in Pauli fragmento quodam ^{d)} occupatus, quum diu vngues rodendo caputque scalpendo nihil tamen extricaret, indignabundus tandem et minitabundus exclamauit: *Iste maledictus Paulus ita obscure loquitur, vt vix possit intelligi: si haberem eum in manibus, eum per capillos interrogarem.* Certe barbarum genium suum haud bene aduocauerat Fulgosius.

Ceterum ne exemplis naufragis lectores enecare velle existimer, non nisi vnum insuper adlaturus sum exemplum, quo de veritate obseruatunciae certius constet. Obuium est in *L. 25. D. Pro soc. memorabili*, codice Pisano ad verbum ita concepta: *Non ob eam rem minus ad periculum socii pertinet, quod negligentia perisset, quod in plerisque aliis industria eius societas fuisset.* Et hoc ex appellatione Imperator pronunciauit. Ecce locum deploratissimum; lacunam illi inesse vno fere ore clamant interpretes, acerrime simul contendentes, desperatam penitus ac depositam loci salutem esse, nisi adhibueris emendationem, diuersimode quoque ab iis reapse tentatam. Quaerit Paulus, an ea, quae socii negligentia perierunt, ad eius periculum

^{d)} Continetur fragmentum hoc in *L. 17. D. de Inoffic. testam.*, miris modis intemperitu sane interpretum officio deformata, cf. Joseph. de Finestres et a Monfaluco Praelectt. ad. tit. Pandect. de Inoffic. testam. et de Vulg. et pupill. substitut, (Cervar. 1752.) p. 97. 159. et Com. in Hermogen. iur. epitomm. libb. VI. (ibid. 1757.) p. 477. Ant. d' Espieffes dans les Oeuvres, (à Lyon 1685.) Tom. II. p. 197. Luc. van de Poll de exheredatione et praeteritione rom. et hod. (Amstelod. 1700.) p. 604. 624. Def. Heraldus de rer. iudicatt. auctorit. Lib. II. cap. XIII. (in Ottonis Thef. iur. rom. Tom. II. p. 1223. sqq.)

pertineant, si in plerisque aliis societati profuisset; et respondet, non minus idcirco pertinere, atque ita ab Imperatore pronunciatum fuisse. Quem sensum, primo quidem intuitu hiulcum, Halander ceterique editores tantum non omnes ita subplerunt, vt, moti fortassis Vlpiani in *L. 26. D. eod.* effato, vocem: **AUCTA**, infererent. Similiter etiam Florentiae ad marginem subpletum est, sed manu recentissima, vnde Taurellius neglexit. Quod autem mireris, vel in hoc nondum adquieuit criticorum senatus. Ita Catharinus ^{e)}, ne quid amplius desideretur, legit: **SOCIETATI PROFVISSET**. Sed vix tanti est emendatio, vt rescratur. Nam quamuis et Graeci ^{f)} verterint: **καν ἐν πολλοῖς ἐτέροις ὠφέλησεν**; tamen ita vertere potuisse, etiamsi in suo exemplari legissent: *aucta fuisset*, palam est. Nec quidquam noua emendatione lucramur, quia, qui *auget* societatem, eidem *prodest*, vti, quod *prodest* hereditati, eamdem *auget* ^{g)}. Vrget quidem Catharinus ^{h)}, Paulum, dum verbum: *periisset*, subiungit, ad etymon vocis: *periculum*, adludere videri; sed parum abest, quin iuuenis iuuenum more in re seria ludere, ac solus forsitan, quae Paulo in mentem non venerunt, cogitasse videatur. Adcidit nostro et hoc loco, quod saepius illi adcidisse dolemus; nam plurium capitum lectionem pisce saniorem in dubium vocat, vt ingeniolum ostentet, laureolamque, vt aiunt, in mustaceo quaerat. Aliam medicinam adhibuit doctissimus interpres anonymous ⁱ⁾, commodiori via sensui, de sua quidem sententia laboranti, subueniri posse putans, ita legend: *quod in plerisque aliis industria ei Vsa* (i. e. eius vsa) *societas fuisset*. Sic vnius litte-

^{e)} Nic. Catharinus *Obseruatt. et conjecturr. Lib. I. cap. II.* (in Meermannii Thef. iur. ciuil. et canon. Tom. VI. p. 773.)

^{f)} Basiliic. Tom. II. Lib. XII. tit. I.

^{g)} cf. L. 56. §. 1. in fin. D. Ad. leg. Falcid.

^{h)} Nic. Catharinus I. I.

ⁱ⁾ Anonymus *Obseruatt. iur. ciuil. rom. lib. sing.* (Hag. Com. 1743.) cap. XVIII. p. 114.

rulae adiectione, ac sola geminatione, res esset salua. Quemadmodum vero regulae, quas geminationes praescribunt, vtiliter saepius ab interpretibus obseruantur, saepius etiam frustra adhibentur: ita iam locum, vbi male germinatur, ob oculos positum habemus. Qui geminationis remedio legum romanarum fragmenta, tamquam vulnerata, pristinae sanitati restituere coenantur, hos omnes oportet duo maxime praecpta tenere: vnum, ne temere geminationem suspicentur, nisi argumenta, quibus verisimilis reddatur, adsint: alterum, ne nimis audaces praeter summam necessitatem ad remedium istud nonnumquam salutare prouolent. Atqui neutrius praecetti habitare ratione praesentem geminationem statutam videmus; vnde nobis minus adridet. Melius aliquid, Haloandrina scilicet lectio, in promtu est, quum, vel hac lectione retenta, nulla amplius supereffet difficultas, neque igitur opus est, vt res peragatur coniectura, qualem adulit, quem laudauimus, interpres. At enim vero minime solicitandam, quinimo Haloandrinae anterendam esse lectionem Florentinam, tanto confidentius contendere au sim, quanto certius et auctae et emendatae lectionis fundum in minus accurata latini sermonis cognitione deprehendi existimem. Illoco omnis de medio sublata erit difficultas, modo vocem: INDVSTRIA, verbis: EIVS SOCIETAS FVISSET, pracambulam, non de casu sexto (grammaticorum volgus *ablantium* vocat) nominis substantiui adipiciamus, sed ad nomen substantium: SOCIETAS, tamquam adiectiuum feminini generis referamus, significatu melioris notae auctoribus, ipsique Ciceroni vstatissimo, vt itaque sensus sit: *quod in plerisque aliis societas eius suisset industria, adeoque proficia, aut saltim ab omni negligentia aliena.*

Quocirca miramur, Marckartum^{a)}, etiamsi is religiosissimus alias receptarum lectionum antistes fit, tamen verba: INDVSTRIA EIVS SOCIETAS FVISSET, tamquam sensu destituta repudiasse, et Haloandro aliisque, qui verbum: AVCTA, textui insarciant, calculum suum adiecisse. „Deuinxe-

^{a)} Jo. Guil. Marckartus *Probabil. receptar. lectt. iur. ciuil. Lib. I. p. 176.*

„runt me sibi editores“, ait, „quod, addito AVCTA, effecerunt, vt sine subauditione intelligam legem“. Quid sibi velit eiusmodi subauditio, de eo non est, quod amplius iudicium inferamus. Neque vero adstipulamur Püttmann anno¹⁾, qui, Thusci codicis scripturam probam rectam esse probatus, ita Paulum interpretatur, ac si scripisset: *quod in plerisque aliis industria eius societas substitisset*. Nam, quod huius interpretationis, iam alis probatae, primum est idemque facile princeps argumentum, ne ipse quidem loquendi usus ferre videtur. Verbum: *esse*, saepe usurpari pro: *durare, confistere, vigere, supereffe*, autumat Püttmannus scire, qui latine sciunt, omnes, testimonium ob id denuncians Bosio, grammatico, quod sciari, satis obscurum. Mallem Püttmanni caussa, haec ipsis non excidisse. Quod scire debuisses, Püttmanne, nobiscum sciunt, qui latine sciunt, omnes, non saepe, vt tu perhibes, sed raro atque rarissime dumtaxat, verbum: *esse*, istius esse significationis, quidquid forte Bosius tuus, cuius quidem copiam habere nequiuimus, contra dicat; ac insuper, quod iidem tu scire debuisses, nos sciimus, non dari illam significationem in abstracto, qualis tamen, te auctore, a Paulo manifeste data fuisset. Ignoscas igitur, si et vitii te reum habeamus, et pro commentatio declaremus argumentum, cui, quod pessimum est, nouam superstruere conatus es interpretationem, qua Paulo sententia adfingitur talis, cui aperte tota orationis series repugnat.

¹⁾ J. L. E. Püttmannus *Interpretatt. et obseruatt. lib. sing. cap. VIII. p. 39. sq.*

C A P V T III.

Noua ratione declarantur verba L. I. § 2. D. de Edend. improbata simul tum crisi PETITI, tum interpretatione ID SLNGAE.

In L. I. § 2. D. de Edend. haec Vlpiani exhibentur verba: *Editiones sine die et consule fieri debent, ne quid excogitetur e die, et consule, et praelato die fiat. Diem autem et consulem exceptit Praetor, quo instrumentum conscriptum est, non in quem solutio concepta est: nam dies solutionis, sicuti summa, pars est stipulationis. Rationes tamen cum die et consule edi debent: quoniam accepta, et data, non alias possunt adparere, nisi dies et consul fuerit editus. Qui legi, etiamsi vel solam antiquitatem redolere, atque adeo parum ab utilitatis practicae laude habere videatur commendationis, tamen animaduersumculam adsperrgere iam lubet; nulla enim tam pusilla difficultas est, quam non permagni interfit, ex veterum scriptis tolli atque elui. Quae qui rident in academiis, vt supellectilem Jurisconsulto minus necessariam, a veris Jurisconsultis ridentur ipsi in foro, in quod nihil plerumque adferunt, nisi poenitentiam temporis pessime conlocati, vanissimumque sententiarum, saepe male intellectarum, strepitum, et iuris ciuilis, quod perfunctorie fide dicisse confiteri nolunt, contemptum.*

Obcurrit in verbis Vlpiani modo laudatis phrasis obscurior: **ET PRAE-LATO DIE FIAT;** nec defunt iudicia atque opiniones interpretum, quorum diligentiam atque ingenium exercuit ista phrasis. Accursiani, qui aliis acutiores volunt videri, pro: *prAElatu die*, malunt legi: *prOlato die*, vt scilicet **PROLATVS DIES** sit **DIES MVTATVS** seu **PROROGATVS**. Quo etiam sensu

phrasin: **DIES REPETITA**, in L. 3. *D. de Fid. instrumentor.* obuiam, intelligunt, ad quam legem egregie nonnulla Antonius d'Espeisses ^{a)} monuit. Sed illis plus nocet acumen, quam prodest, licet easdem ineptias referant, quicumque haeresin istam descripserunt. Rectius dudum Cuiaci-
vs ^{b)}, cuius exasciata scripta tot tantisque exquisitae variaeque doctrinae copiis reserta sunt, lectionem Florentinam sequutus existimauit, *praeferre diem* idem denotare, quod *diem anteuertere et anticipare*, vt vetustior esse obligatio videatur. Quo sane legis sensui aptius quidquam aut *adcommoda-*
tius excogitari nequit, vnde et, hoc signum quum extulisset Vir summus,
longo agmine eum sequuti sunt plurimi, *ex quibus Noodtium* ^{c)},
Groenewegenum ^{d)} ac *Schultingium* ^{e)} dumtaxat nominamus.
Notionem Cuiacius ^{f)} auctoritate tum *Liuii* ^{g)}, tum *Papinia-*

^{a)} *Ant. d' Espeisses dans les Oeuvres, Tom. III. p. 140.*

^{b)} *Jac. Cuiacius Observatt. et emendatt. Lib. III. cap. VII. p. 70.*

^{c)} *Ger. Noodtius Com. in Pandect, tit. de Edend. (in Eiusdem opp. Tom. II. p. m. 52.)*

^{d)} *Sim. a Groenewegen Tr. de legg. abrogg. et inusit. tit. eod. p. 94. ed. nouiss.*

^{e)} *Ant. Schultingius Enarrat. part. prim. Dig. tit. eod. §. 10. (in Eiusdem commentatt. acadd. Vol. III. p. 181.)*

^{f)} *Cuiacius l. l.*

^{g)} *Liuius Histor. rom. Lib. XXXVIII. cap. V. vbi: Triumphare mensē Januario statuerat, sed quum audisset, Consulē Aemiliū litteris Aebutii tribuni plebis adcep̄tis de remissa intercessione, ipsum ad impediendum triumphum Romam venientem PRAETVLIT triump̄hi DIEM, triumphauit ante diem decimum Kalendas Januarias de Aetolis et de Cephallinia. Quo nihil est euidentius ad confirmandam notionem Cuiacianam τχ praeferre. Ceterum, quae Ernestius ad hunc locum, quum in omnium manibus sint, repetere putidum foret. Nos quidem, quod leuiuscum est, monebimus tantum, lectionem hanc recte explicari a Turne-*

ni^h) euicit; sed conspirant quoque, ex quibus nihil in usus suos conuer-
tisse miror Cuiacium i), Βασιλικῶν libri k), quippe quibus verba graece
ita redduntur: Ἀτ προεκδόσεις χωρὶς ἡμέρας καὶ ὑπάτε γίνονται, διὰ
τὸ πλημμεληθῆναι προχρονισμόν; vertente Fabrotto: *Editiones sine die*
et consule fiant; ne dies preferatur et anticipetur. Si quidem magni Cuiacii
diligentiae addere nouae quidquam interpretationis fas sit, haud dubi-
tem pronunciare, seruata itidem Florentina lectione, ac leuiter tantum interpunctione,
duplici inserto commate, ita inmutata: *et, praelato die, fiat,*
sensum alia quoque ratione optime sibi constare. Denotat verbum: **PRAEFERRE**,
saepissime idem, quod **EDERE** seu **PERFERRE**, ALIQVID IN NOTITIAM
ALICVIUS; ac quidni Vlpianum eam notionem credideris hoc loco respexisse,
atque adeo dicere voluisse: *editiones absque die et consule fieri debere, ne*
aduersarius fraudes inde nectat, NEC FRAVDES ISTAE EO, QVOD DIES ET CON-
SVL EDITVS SEV IN NOTITIAM ADVERSARI PERLATVS FVERIT, ACTV COMMIT-
TANTVR. Quae est nostra conjectura, quam Cuiaciana subdubitante calamo
addidimus, facile veniam eius inpetraturi ab his, quibus forte minus
plaquerit.

bo, et perperam a Valegio solicitari, qui pro PRAETVLIT reponendum censem RETV-
LIT, ex Festo l. v. referri, p. 207. ed. Scaligeri, quem conferas in *Castigatt.*
p. 263.

h) Videlicet Papinianus lib. I. quaesit. in L. 33. D. de Recept. qui arbitr. recep. inquit:
Arbitrus ita summus ex compromisso, ut et diem proferre possem, hoc quidem facere potest: referre autem, contradicentibus litigatoribus, non potest. Haloander loco:
PROFERRE, habet: **REFERRE**, pro: **REFERRE**, autem: **PROFERRE**. Male. Taurelli
retinuit Florentinam, ac Cuiacii explicationi concinunt libb. Basili, qui
loco: *dicem proferre, habent: ἀδεταν ἐπεκτείνειν, vacationem producere, loco:*
referre, autem: προχρονίζειν, quasi tempus anteuertere.

i) Cuiacius l. l.

k) Basili, Lib. VIII. tit. I. Tom. I. p. 381.

Ast vix est, de nostra quidem sententia, vt veniam inpetraturi sint du-
vnuiri, Petitus atque Idsinga, quorum vterque aduersus Cuiacium
insurrexit; ille ensem criticum, hic modestius paullo calamum saltim contra eundem strinxit, sed neuter conatu felici.

Ac primum quidem in scenam prodeat Petitus l). Reiecta vtraque
lectione, tam *prAElatu* quam *prOlato*, distinctis vocibus rescribit: **ET PRAE-**
LATO DIE FIAT, id quod explicat hoc modo, vt *latum diem* Vlpianum existi-
met adpellare ciusmodi diem, qui certus non est, quemadmodum *lata fuga*
dicatur, *quae relegationi in certum locum obponitur*; nihil igitur Vlpianum
fieri velle **PRAE LATO DIE**, id est, **PRAETER LATVM DIEM**. „Est autem“, in-
quit, „latus dies, quum mensis tantum adscribitur, non autem quotus
„mensis dies sit, neque item nomen *Consulium*, qui anni illius fastos signant,
„adponitur: tum enim plane incertus est dies, et vere latus“. En bona ver-
ba boni Petiti nostri. Miseret me saepe interpretum, nodum in scirpo
quaerentium, et tenebras sibi data veluti opera obsfundentium; in primis
autem discrucior animi, quando venenum pro medicamento ab illis propi-
nari, et pulcherrimas legum facies tetris deformari video cicatricibus, a quo
tamen vitio vix sibi cauisse videtur Petitus. Evidem hunc eius partum,
vt monstrosum, necari velim.

Idsingam m) deinde quod adtinet, nec is iusto interpretis officio fun-
gi videtur. *Praelatum diem* dici autumat talem diem, qualem loco veri di-
ci aduersarius suo arbitrio elegit, vt inde fraudes necteret, et actoris instru-
mentorum fidem vel plane nullam, vel saltim suspectam redderet; posse et-
enim, ait, falsum aequem committi, si dies eo, quo instrumentum est consec-

l) Sam. Petitus Com. in legg. atticc. Lib. IIII. tit. III. (in Heineccii Jurisprud.
rom. et attic. Tom. III. p. 408.)

m) S. H. van Idsinga Varior. iur. civit. lib. sing. cap. XIII. p. 112, sqq.

tum, posterior ponatur, quam si prior. En bona verba boni Idsingae nostri. Lectoris erit, de iisdem inferre iudicium. Duo monusle sufficiat:

a) Idsinga non adsentendum putauit Cuiacio, quia *praeferre idem* quod *proferre NON SEMPER* denotet; eiusque rei, quum in lite ut plurimum subcabant, quibus probatio deficit, *operose* non solum, sed et, quod vlo modo negari nequit, *plene* fidem fecit documentis, ex variis veterum scriptis petitis. Non est interim, quod, Cuiacii caussam rite agentes, reprobationem, quippe cuius obeundae ex iuris ciuilis formula nulla est obligatio, sed tantum ius et facultas, suscipiamus. Hoc enim et contendit et probauit Cuiacius, loquutiones: *praeferre diem, ac: diem anteuertere et anticipare,* confundi *PASSIM* seu *NONNUMQVAM;* praeterea que quidquam nec contendere nec probare voluit. Habeat proinde Idsinga suum *NON SEMPER* sibi; nos isti non inuidēbimus istud.

c) Idsinga de sola instrumentorum editione Vlpianum cogitasse arbitratus est. Male. Solas editiones instrumentorum sine die et consule fieri debere, Vlpianus nec scripsit, nec scribere potuit; neque enim verum est, quum etiam editio actionis, qua aliquis agere vult, et libellus inscriptionis sine die fiat necesse est, vt Paulus in L. 3. pr. D. de *Adcusat. et inscript.* diserte docet.

C A P V T IIII.

Crux, ab Vlpiano in L. I. D. de Donat. int. vir. et vxor. interpretibus fixa, refigitur. Explicatio L. 2. D. eod.

Quod et ex antiquis maiorum moribus apud Romanos receptum, et oratione Seueri ac Antonini confirmatum fuit, **NE INTER VIRVM ET VXOREM**

DONATIONES VALERENT ^{a)}, durum satis ac inhumanum eo magis forte existimet, quo evidentius ita liberalitatem, arctioris amicitiae fidissimam comitem, interdici videmus his, quos indiuidua vitae consuetudo amicitiae integrimae vinculo iungit, quos inter laudabilis, si vñquam alias, ac necessaria quandoque, sit benignitas. Quemadmodum autem veram, eamque necessariam rigoris istius caussam ex iure antiquo, iuxta quod vxori, in primis confarreatae et coemtae, omnia cum marito communia erant, ipsaque vxor filiae loco habebatur, repetendam esse constat ^{b)}: ita Jurisconsulti romani inspectionem nec inutilem, nec leuis adeo momenti fecerunt, quid fuerit, cur, statu connubiorum antiquo post aliquanto admodum licet mutato, ac iuris vetusti ratione prorsus iam exsulante, donationum inter coniuges statum veterem tamen retinuerint Seuerus et Antoninus. Adferunt eius rei potissimum duplarem caussam ^{c)}, vnam scilicet, quam, a Sexto Caecilio profectam, Pauli diligentia in L. 2. D. de *Donat. int. vir. et vxor.* nobis servavit: quia saepe futurum esset, vt discuterentur matrimonia, si non donaret is, qui posset, atque ea ratione euenturum, vt venalitia essent matrimonia; alteram, ab Vlpiano in L. I. D. eod. propositam, ne mutuato amore inuicem spoliarentur, **donationibus non temperantes, sed profusa erga se facilitate.**

a) L. 3. D. de *Donat. int. vir. et vxor.* L. 3. et L. 10. C. eod. cf. Zachar. Richter *Diss. de oratione Antonini de donatt. inter virum et vxorem,* (Lipsiae 1759.)

b) Cf. Henr. Jo. Ott. Koenig *Diss. de vicissitudinibus iuris romani circa donationes inter virum et vxorem,* (Halae 1771.)

c) Adcuratum ceterarum recentum egerunt Jof. Fernandez de Retes *de donatt. inter vir. et vxor. lib. sing. cap. I.* (in Meermannii *Thef. iur. ciuil. et canon. Tom. VI.* p. 666. sq.) et Guil. Corn. Tepell *Diss. ad L. 16. D. de Donat. int. vir. et vxor. §. 2.* (in Oelrichsii *Thef. dissertatt. in acudd. Belgg. habitt. Vol. I. Tom. II.* p. 112. sqq.)

Primam caussam quod adtinet, pulcherrimam castae Themidos romanae nouissimae progeniem in ea religiose, quis est, qui non adoret; quis est, qui non in ea venerabundus intueatur, quis, qui non, summa voluptate percitus, in eadem exosculetur. Ne nunc quidem ex vlo fonte purius hau- riuntur bene ac honeste viuendi praecepta, quam ex illis monumentis, quae nobis in absolutae pulchritudinis Corpore iuris romani reliqua fecit Triboniani industria. Firmavit iure novo diuortiorum licentia illam prohibiti- onem ^{d)}. Ait enim Paulus: QVIA SAEPE FVTVRVM ESSET, VT DISCVTERENTVR MATRIMONIA, SI NON DONARET IS, QVI POSSET; vbi Haloander, lectionem Florentinam in margine tantum notans, pro: DISCVTERENTVR, legendum suspicatur: DISTRAHERENTVR, etiam si vtrumque eodem redeat, dum discuti hic idem, quod diffrahi et dissolui est, ac sensus, siue illam siue hanc lectionem adceperis, semper erit: QVIA SAEPE DIVORTII CAVSSAM HABERENT CONIVGES EX EO, QVOD NON DONETVR. Admissa nimirum novo iure diuorti orum licentia, consultius visum fuit, antiquum ius, quod moribus circa do- nationes inter virum et vxorem iam receptum erat, potius conseruare, et quoquis modo in vsu forensi defendere, quam illud inpugnare. Verendum enim erat, ne ad diuertia magis ampliaretur aditus, quem praeccludendum esse omnibus modis contendebant sapientiores. Qua in re praefertim vxori- bus consulendum prouidendumque erat, ne effusis in maritum donationibus ad incitas tandem redigerentur. Si vxor bonis abundabat, iis maritus, qui eorum gratia illam vnicet duxerat, non raro tamquam esuriens lupus inhi- abat, ac, potiorem rei vxoriae partem blanditis et emendicatis donationi- bus tandem nefarie consequutus, vxori miserrimae obcinebat formulam: *conlige sarcinulas et ocius exi.* Refrenanda igitur atque coercenda fuit do- nandi licentia. Vxori quid aliud, quaeso, quam diuortii vel egestatis peri- culum, imminere poterat, nisi saluberrimo fane consilio isti licentiae pessu-

^{d)} Quam si prae oculis habuissent veteres philosophi, non exercuisset illos, vnde prae- fens antiqui iuris vsus defendi possit, disputatio. Mentionem acerrimae litis facit Plutarchus Quae sit. rom. Tom. II. p. 265.

lum obditum fuisset; nam si non donabat, diuortii, si autem donabat, praeter diuortii et egestatis periculum incurrebat. Vtrique malo obuiam itum fuit iure antiquo, ob aliam diuersamque caussam quidem recepto, sed mori- bus optime retento, et oratione Seueri ac Antonini confirmato.

Neque minus venerabundam saluberrimae legislationis romanae admira- rationem vel inuitis extorquebit caussa secunda: ne mutuato amore inuicem spoliarentur, donationibus non temperantes, sed profusa erga se facilitate; qua in re praefertim MARITIS consulendum prouidendumque erat, ne effusis in vxorem donationibus ad incitas tandem redigerentur. Pro: MVTVATO, Ha- loander legit: MVTVO, quod pessimum est; nam est quidquam inter mu- tuuum et mutuatum amorem, quum ille *honestus* et *verus*, hic autem *malus* et *fictitius* sit. Verendum scilicet erat, ne vxor maritum nimis dona- tionibus, fraudulentis blanditiis coniugalibus elicitis, spoliaret, postea vero diuerteret, quo facto rei familiaris iacturam grauissimam passus fuisset do- nans. Quod enim hodie passim sciunt, qui iuuenculam aut vetulam domi in lectis habent, et Romani iam olim certo certius sciuere. Insitum hoc esse videtur naturae mulierum felinae, vt infidae sint, cereae in vitium slecti quodcumque, dissolutae, falaces, luxuriosae, ornamentorum, quibus placeant ac vulnerent, adpetentissimae, ad auaritiam quoque proclives, ita vt ipsa metu rarius donent, sed munera ab aliis lubentes adcipiant ^{e)}. Quae omnia Romanos multis rerum documentis conperita habuisse, tenuis est hi- storia. Adpetebant vxores in primis diuicias mariti, vt haberent, vnde lu- xuriam alere, adulterosque pascere possent, maritum tum minis et rixis, tum et fucatis blandimenti, ad animum eius humanissima voluptate titillan- dum exquisitis, quotidie ad dandum solicitantes; ino, quod serum ac besti- ale penitus est, apud Plautum et Juuenalem legere aliquando memini, ex- flitisse videlicet cunnos, qui et pro concubitu munuscula a viris exegerint. Proficiendum igitur fuit quoque maritorum crumenae.

^{e)} Exceptiones passim obuiae firmant regulam. Effectis ceterum auaritiae ratio, vt Romani Scoto Velleiano mulieribus intercessione pro aliis, non donationem interdicerent. L. 4. §. 1. D. Ad scutum Vellei.

Vlpianeae rationis sensus apertissimus et veritati rei conuenientissimus; sunt tamen ultima verba: *donationibus non temperantes, sed profusa erga se facilitate*, paullo obscuriora, et frequens illa circumstat interpretum senatus. **Haloander**, mutata vocula: **SED**, in: **ET**, additoque verbo: **VTENTES**, legit: **ET profusa erga se liberalitate VTENTES**. Alii editores, retenta vocula: **SED**, addiderunt solum verbum: **ABVTENTES**, idque librum **Accursii** habuisse adparet. **Heraldus**^{f)} delet **τὸ SED**, particulam hanc ex postremis litteris praecedentis dictionis coaluisse putans; vnde et **Grotius**^{g)} eamdem abundare autumat. Nonnulli, vt sententia constet, pro: **SED**, legunt: **NEC**. Neutrum tamen admiserim; verbum enim addere aut demere graue est exemplo, praeципue in scriptis iuris auctorum. Inmodesta in primis est, quam secundo loco memorauimus, emendatio; nam si pro: **SED**, legerem velimus: **NEC**, tunc et sequentia forent mutanda in hunc modum: *profusaE erga se facilitatI*, nisi forte malis ad librariorum morem recurrere, et scribere: *profusaErga se facilitatE*, ad quem morem **Koehlerum** ^{h)} reapse recurrere animaduertimus. Sunt et, qui, eraſo commate, coniiciant legendum: *donationibus non temperantes EX profusa erga se facilitate i)*, cui lectioni, quod haud dissimulandum, concinuit **Basilicorum Scholiaſtes** ^{k)} qui:

^{f)} *Def. Heraldus Obſeruatt. et emendatt. cap. XVII.* (in *Ottonis Thes. iur. rom. Tom. II.* p. 1330.)

^{g)} *Hug. Grotius Flor. ſpars. ad ius Justin. p. 185. ed. Geb.*

^{h)} *Jō. Bern. Koehlerus Interpretatt. et emendatt. iur. rom. Lib. I. cap. XII. num. 6. p. 111.*

ⁱ⁾ Eamdem lectionem *Jō. Bern. Koehlerus* *I. I. fe* quondam reposuisse ait. Neque tamen locum, quo factum sit, addidit, vnde, vbinam repositam lectionem quaeras, non subcurrit. Si fides verbis habenda sit, subit omnino mirari, *Eumdem Verifimill. iur. civil. ſpecim.* (Gottingae 1771.) *cap. XII. num. 6. pag. 52.* tertiam quamdam lectionem: *donationibus non temperantes et profusae erga se facilitati*, tuitum fuisse.

^{k)} *Baſilic. Schol. Tom. III. p. 743.*

ἀφειδῶς ἀλλήλοις δωρέμενοι, καὶ μὴ συγκρίνοντες τὸ πρᾶγμα διὰ τὴν εκκεχυμένην περὶ ἀλλήλων εὐχέρειαν, inquit. Reperire ita videtur in exemplo suo Scholiaſtes. At enim, quae mea est in defendendis recepitis lectionibus pertinacia, plane nihil mutandum, sed proba recta esse verba: *donationibūs non temperantes, sed profusa erga se facilitate*, censeo, ne tantillum quidem a Prisciano sic mihi metuens. Quamuis illud: **SED**, quod tantas turbas ciet, fortassis ex vocula: **ET**, ac littera antecedentis vocis finali, enasci potuisse non negauerim, non est tamen, quod ita loco opem ferre connitar. Evidem quoquis pignore ausim contendere, ipsi Vlpiani calamo **τὸ SED** omnino exiisse pro **SINE**, sensu non adeo quidem frequenti, ast non inusitato penitus, quem si admiseris, nihil supererit, quod iure quempiam obſendat. Ac quidni admiseris eumdem, quum, Jurisconsultos veteres vocabulis nonnumquam notiones, quibus latini scriptores rarius paullo vtuntur, subiecisse constet. Facile autem vel inde adparet quoque, quam necessarium fit, istas verborum ſcire significaciones, si quidem leges, seu Jurisconsultorum fragmenta, intelligere recte que interpretari velimus. Ceterum, quo melius iudicare possint de nostra coniectura lectores, adeant de elegantiori iurisprudentia meritos, qui secundum litterarum ſeriem iuris verba conlegerunt, eorumque varias significaciones, quanto fieri posset studio, quum ex omni veterum lectione, tum ex iuris romani fragmentis conquisiuerunt et inlustrarunt; imo adcant dumtaxat, si forte ad manus illi non fint, miserrimum Schelleri opus, sub voculis **SED** et **SE**, vbi notionem illam auctoritate firmatam inuenient.

Quod tandem coronidis loco obiter admonuerim, pro: **FACILITATE**, male **Haloander** reposuit: **LIBERALITATE**; male inquam, quum **facilitatis** verbum hoc sensu Terentius, Cicero, Seneca, et optimae latinitatis auctores conplures, usurpent, ac Vlpiani oratio ita manifeſte et concinnior et comtior fit.

C O R R I G E N D A.

Pag. 5. in not. lin. penult. leg. *larga*.

— 10, in not. d) lin. 6. γ. leg. *Ιταλία*, *Ικαρία*.

— 32. lin. penult. et vlt. loco: *ora - itone*, leg. *ora - tione*.

Leuiora errata vt lector benevolus sponte corrigere velit, decenter
rogatur.
